

Na osnovu čl. 60. i 62. Zakona o plaćama i naknadama u organima vlasti Federacije Bosne i Hercegovine («Službene novine Federacije BiH», broj: 45/10, 111/12 i 20/17) i čl. 70. i 121. Statuta Općine Vogošća («Službene novine Kantona Sarajevo», broj: 27/14 – Prečišćeni tekst i 14/15), Općinsko vijeće Vogošća na sjednici održanoj 27.04.2017. godine, donijelo je

O D L U K U
O IZMJENAMA I DOPUNAMA ODLUKE O PLAĆAMA I NAKNADAMA
U JEDINSTVENOM OPĆINSKOM ORGANU UPRAVE
I PRAVOBRANILAŠTVU OPĆINE VOGOŠĆA

Član 1.

U Odluci o plaćama i naknadama u Jedinostvenom općinskom organu uprave i Pravobranilaštvu Općine Vogošća („Službene novine Kantona Sarajevo“, broj: 11/13 i 22/15), (u daljem tekstu Odluka), u članu 8. mijenjaju se koeficijenti za plaće općinskog načelnika, općinskog pravobranioca i zamjenika općinskog pravobranioca, na način da:

- u I platnom razredu – Općinski načelnik, umjesto 8,5, treba da stoji: **9,8**,
- u III platnom razredu – Općinski pravobranilac, umjesto 5,7, treba da stoji: **6,5**,
- u V platnom razredu – Zamjenik Općinskog pravobranioca, umjesto 5,2, treba da stoji: **5,7**,
- iza platnog razreda II, dodaje se novi platni razred III, koji glasi: **Sekretar Općinskog vijeća 6,2**,
- dosadašnji platni razredi III, IV i V, postaju platni razredi IV, V i VI.

Član 2.

Član 10. Odluke, **briše se.**

Član 3.

U članu 18. Odluke, mijenjaju se koeficijenti za plaće državnih službenika, na načina da:

- u I platnom razredu – Sekretar organa uprave, umjesto 5,7, treba da stoji: **6,2**,
- u II platnom razredu – umjesto Pomoćnik Općinskog načelnika i Sekretar Općinskog vijeća 5,2, treba da stoji: **Pomoćnik Općinskog načelnika 5,7**,
- u III platnom razredu – umjesto Rukovodilac posebne općinske službe: - Šef kabineta 5,2, treba da stoji: **Rukovodilac stručne općinske službe 5,7**.

Član 4.

Općinski načelnik, je dužan donijeti Pravilnik o izmjenama i dopunama Pravilnika o plaćama i naknadama u Jedinostvenom općinskom organu uprave Općine Vogošća, u skladu s odredbama ove Odluke, u roku od 30 dana od dana stupanja na snagu ove Odluke.

Član 5.

Ova Odluka stupa na snagu narednog dana od dana objave u «Službenim novinama Kantona Sarajevo», a primjenjivat će se počev od 01.05.2017.godine.

Broj: 01-02-352/13
Vogošća, 27.04.2017. godine

